



Барча Ххувшаврил байран!

ХАКЫНУССА КЫНИ
ДАГУСТАННАЙ ЯЛАПАР
ХЪАНАЙ УР 1941-1945-КУ
ШИННАРДИЙ ХЪУССА
ДЯВВИЛУЛ 22 ГЪУРТТУЧИ.



ЧРЛШ

№17
(2183)

5 МАЙ 2023 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкИсар 1917 ш.
Цунил итабакълан бивкИсар 1991ш.

Мишустиннул ва Меликовлул ххал бивгъунни экономикалул лябуккулул масъалартту

Майрал 3-нний Ккавкка-зулал инвестициярттал цалчинсса ккаккялий Минводрай хъунабавкъунни Абра-сатнал Хукуматрал Предсе-датель Михаил Мишустин ва Дагъустаннал БакIчи Сергей Меликов.

Миннал ххал бивгъунни ре-спубликалул экономика лядккан даврил масъалартту. Да-гъустаннал БакIчинал билая-трал премьер-министрахъ був-сунни регионалул прорыв инве-стициярттал хIакъраву. Ихти-лат бия куклумур ва порунтирт-тал промышленностьрая, транс-портрая ва логистикалия, агро-промышленностьрал комплек-срая ва туризмалия.

→ Ахир 2 лаж.



Ххувшаврил байран – язимур байран!

Аbrasатнал агъалинахъ АВЦИОМ-рал цIухху-бусу баврийну, язимур, хъхьичIунмур байран Ххув-шаврил байран душиву кIицI лавгун бур агъалинал 65%.

П. РАМАЗАНОВА

Шиккува кIицI лаган, Ххув-шаврил байран хъхьичIунмурну дур 2018 шиная шийннай. 2014 шиналсса опросрал, масалдаран, язимур байранну Цушинал бай-рандалул цIа риршуну дур. Га шиналагъалинал 69% Цушинал байран хъхьичIунмурну душиву чIалачIи бувну бухурча, Ххув-шаврил байрандалухлу 53% бивкIун бур. Гъашинуриб Ххув-шаврил байрандалул кымат гъаз хъуну бур. Цусса шинал байран дур кIилчинмур ххуттай – 58%, Пасха шамилчинмур ххуттай – 29%, хъйрив – Хъаннил байран, 22%, яла – Рождество, 22%.

Кулпатирттахасса аякъалий

Ккуллал райондалий 9-мур майрал байрандалул хъунин хасъсса абралий операци-ялуву гъуртту хъанахъиминнал кулпатирттайх бавчIунни дуки-ялул кьуцуртту.

Хасъсса операциялий гъур-тту хъанахъиминнал цуппа-ца кулпат къулагъас дакъа къа-личIантIий бур. Вайннал чIарав ацIаву райондалул бакIчи цай-васса буржну ккаклай ур. Абра-литурал ниттихъайн, хъаннийн ва ссурваврайн багълагъисса гъарцагу масъала райондалул бакIчинал цала биялалулун лав-сун бур.

Цал уттигу Шамил Рамазанов хъунаавкъунни мобилизаци-ялул хъун бувминнал ва хушрай лавгминнал кулпатиртташал.

– Зуттуйн къаччан мабикIару, чIявуну жучIанма бучIан буллайтIий. На мудангу хIадурссара зул чIарав ацIан, вичIи дишин. Зул ласурваврай хIакынусса кыни Украиннаву биттур буллайтI бур цайвасса бурж Донбассрай-сса агъалиналгу, жуллагу пара-кътшиврлул цаний. Барчаллагъ



ласурваврахлу ва арсваврахлу, цIуллуну-сагъну ми ичIунмай зана хъусса кыни дацIаннав зуй, – увкунни Шамил Рамазановлул.

Хъунабакъаврий абралитурал кулпатирттал барчаллагъ увкун-ни райондалул бакIчинахъ цахра дуллалисса аякъалухлу.

ХIадур бувссар
Аминат АХИМАДОВАЛ

Лакрал райондалий аьдатравун дагьну дур гьарца шинал интхунна-наи «Единая Россия» партиялул вакилтурал ва чул бувгьуминна-нал субботникру даву. Гьашину субботникру дия апрель зурул махьра-махьсса нюжмардул лахьшиврив ва 1-мур Майрал кьини, Интил ва ЗахIматрал байрандалул кьини.

Лакрал райондалия Субботникру — хьинсса аьдатри



Зулайхат ТАХАКЪАЕВА

Партиялул чул бувгьуминна-нал райондалул идаратгал зузалтрал гьурттушиндарайну субботникру дунни Гьумук ва гьарца шяраву. Чьюрклица марш бунни идаратгал лагма-ялтгусса кIантту, паркру, ххулурдал зума-кьирагьру, бувгьунни мухьру.

Мубакьассагу, Ххувшаврил байрандалул хьунин партиялул чул бувгьуминна-нал райондалул ва шяравал-

лал администрацияртгал зузалтрал цин лархьхусса тагьарданийн дур-дунни Бутгал кIанттул цанийсса Хьун дявлия зана кьавхьуминна-нсса гьайкаллу ва миннул лагма-ялтгусса кIанттурду.

— Субботникрай гьуртту шаву — хьинсса аьдатри, агьали тIабиабтраха, жува зий-заназисса кIанттурдаха аякьа дуллали баврил ххуллийсса, — увкунни Лакрал райондалул бакIчи, «Единая Россия» партиялул кIанттул отделенийлул секретарь Юсуп МахIаммадовлул.

ЦIуссалакрал райондалия ЧIаважагьилтурансса суккушинна

Апрель зурул 27-нийн Шумналийсса ЦIуссалакрал райондалий Чапаево шяраваллил 2-мур школалий тIиртIунни «Движение первых» тIисса Аьрасатнал оьрчIал ва жагьилтурал суккушиндарал отделение.



Имара САИДОВА

ДакIнийн бутанну, «Движение первых» тIисса Аьрасатнал жагьилтурал ва оьрчIал суккушинна сакин дуршиву Аьрасатнал Президентнал 2020 шинал бувсса хIукмулийн бувну. ХIакьинусса кьини ва суккушиндаравун бухлай бур 400-нийн бивсса дуккавил идаратту. Жагьилтурансса суккушинна хIасул даврил агьаммур мурад бур оьрчIру патриот зумуну тарбия баву ва ми бялахьансса шартIру дузал даву.

Чапаевкалал 2-мур школалий «Движение первых» тIисса дуклаки оьрчIал суккушиндарал отделение тIитинсса сиптачиталну бувкунни ва школалий жьаматийсса идаратташалсса даву дачин дурсса Загьидат Рамазанова ва школалул завуч.

Мероприятие дайдируна, Аьрасатнал Федерациялул ва Дагьусттаннал ттугьругу гьаз був-

ну, дуклаки оьрчIал Аьрасатнал ва Дагьусттаннал гимну учаврийну.

Школалийн бувкIсса бусравсса хьамаллуравух бия Чапаевкалал шяраваллил бакIчи Марис МахIаммадов, ванал хьиривчу Нурагтин Исмаилов, ветеран-педагог, «Росдетцентр» ФГБУ-лул хьхьичIунсса эксперт Жамилат Мусиева, дуклаки оьрчIал нину-пшу ва цаймигу.

ОьрчIру барча буллалисса ва патриот зумунусса насихIатру буллалисса ихтилатру бунни Жамилат Мусиевал, Марис МахIаммадовлул.

Мероприятиялул лагрулий учительтурал хIадур дурну дия оьрчIал творчествалул давуртту. Школалул коллективрал ккаккан дунни кьавтIавуртту, гимнастикалувусса гьунарду.

Ахирданий гьурттугитурал хьазамирттай лавчIуна георгиевская лентарду.

Ккуллал райондалия

Жагьилтал цачIунмай булла



Ккуллал райондалий Вихьуллал шяраву хьунни райондалул бакIчинал заназе Кубокрайнсса волейболданул турнир. Ваний гьурттушиву дунни райондалул шяраваллил командартгал.

— Ва турнирданул мурад — жагьилтурал цашивур, волейбол тIурча, мунил дайдихьур. Шикку жагьи-жугьулт кувинашал кув кIул хьанахьиссар, патриот зумуну тарбия хьанахьиссар. Мероприятие хас дуссар, 1-мур майрал байрандалун дакьагу, Укра-

иннаву хасьсса аьралий операциялий аьпалул хьуминна-гу, хIакьинусса кьини аьралий иширттавах гьуртту хьанахьиминнагу, — увкунни райондалул бакIчи Шамил Рамазановлул.

Гьурттучиталгу, тамашачиталгу рязину ливчIунни, вайннал

чIа увкунни сиптачитурал ваний тихуннайгу укуннасса давуртту дуллансса кьудрат.

Турнирданий хьхьичIун дуркунни Вихьуллалмур команда, 2-мур кIану бувгьунни Ккуллал шяраваллил командалул, 3-мур — Хьусрашийл командалул. Ххув хьусса командарттан буллунни кубокру, дипломру ва дакIний личансса бахшишру.

Гьунарду ялун личин баншиврул

Ккуллал райондалий Халкьуннал аслийсса культуралул центрданий хьунни оьрчIал дянивсса «Мы ищем таланты» тIисса конкурс. Ва хас дурну дия Аьрасатнал Виричу НурмахIаммад ХIажимахIаммадовлул аьпалун. Ваний гьурттушиву дунни райондалул шяраваллил культуралул кьатрал коллективирдал.



— Шиная шинайн шяраваллил культуралул кьатрал зузалтрал хIадур дувайссар авадансса программа. Вайннуynu ялун личин оьрчIавусса пагьму-гьунарду, кумаг шай творчествалул ххуллийн буккан бан. Гьашину райондалийсса мероприятияртту дуллалиссар Расул ХIамзатовлул 100 шинал лагрулий, — увкунни Центрданул хьунмур Марина Ибра-

гьимовал.

БавтIириннал хьхьичI махь лавхьуна райондалул бакIчинал хьиривчу Анатолий Давдиевлугу. Ванал чIа увкуна гьуртту хьанахьириннан хьиншиву ва тIайлабацIу.

Конкурсрай дия шанна номинация: кьавтIун бизаву, балай шаллу баву, пьеса бишаву.

Шяраваллил культуралул

кьатравун кружокирттайн заназисса личи-личисса шиннардивусса оьрчIал ккаккан бунни цавуассса гьунарду.

Балай шаллу баврил номинациялий 1-мур кIану бувгьунни 1-мур ЦIувкIуллал шяравасса Мариян Мусаевал, 2-мур — Хьусрашатусса Шагьсалан Даллаевал, 3-мур — Хьювхьиял шяравасса МахIаммад Аьлиевлул.

КьавтIун бизаврил номинациялий 1-мур кIану бувгьунни «Кулинский межпоселенческий районный культурно-досуговый центр» МКУ-лул коллективрал, 2-мур — Вихьуллал «Вихьлидуш» тIисса фольклорданул коллективрал, 3-мур — 2-мур ЦIувкIуллал фольклорданул ва хореографиялул коллективрал.

Пьеса бишаврил номинациялий 1-мур кIану бувгьунни 2-мур ЦIувкIуллал драмтеатрданул коллективрал, 2-мур — Ваччийл драмтеатрданул коллективрал, 3-мур — Хьювхьиял драмтеатрданул коллективрал.

Вай барча бунни шадлугьрал тагьарданий, ххувшаву ларсминнан ва призертуран буллунни дипломру ва грамотартту.

КIиттуршва мурхь



Ккуллал райондалий хьунни «Аьпалул багь» тIисса акция. «Гунибское лесничество» тIисса ГКУ-лул каялувчинал хьиривчу Исмаил Исмаилов бакIчину, райондалийн лавсун бувкIунни 200 ттарлил мурхь. Ми бувгьуссар КIилчинмур ЦIувкIуллал шяраваллил зума-кьирагьрай. Мурхьру бугьансса кIанттурду хIадур бувну бур яттигьаттарая муьаятний, кьуллугь буллан биьганий.

ВацIлул зузалал волонтертуран бувчIин бувунни мурхьирдах цукунсса ургьил бикIан аьркинсарив. Мурхьру хьуни хьуннин вайннул ялул бацIаву дантIий дур волонтертурал ва вацIлул зузалтрал.

**ХIадур бувссар
Аминат АХИМАДОВАЛ**

Чартгал гъашинусса Хъун хъузалану ия лакравугу, Дагъустаннал халкъуннал дяннвугу хъуннасса сий дусса 1-мур ранграл капитан, профессор, философилул элмурдал доктор, Авгъаннал дяввилул иширтгал гуртгучи, абралий гужирдал ветеран, Москваливсса Дагъустаннал Культуралул центрданул вице-президент Аьлиев ХИажи Сулайманнул арс.

Гъарица дуллалисса давриву жаваблусса ХИажи Сулайманович цала кулпатрашал, агълу-авладрашал ччянива увкун ия шяравун байрандалийн хIадуршинна дан. Буттал кIантгуга архну, Москвалив, ялапар хъанай унугу, ХИажи Сулайманович цуппа за лахIазалий арх къаувцун ур цала шяраваллия. Махъсса шиннардий Чартгал шяраву ванал дунни ххаллилсса къатри. Вай къатрал хъьичIсса гъартагъарзасса хIаятраву тIивтIуну бия байрандалул ссупрагу. Байрандалул залухъруннацун даркъусса, дарусса, баргъ бивтесса къинигу хъунни. Хъамал бургъия, гъарая бурувчуну бикIаншиврул, шалла хIаятрал ялтту бавкIуну бия чятир. ХIасавравун ларсун дия цинявIппа хъамал бигъалагансса шартIру.

Бивзун бия хъуни къазанну, самоварду. ПуркIуралгу, шахълахъисса нахIусса дукрардалу къанкъ ппив хъанай дия шалла шяравух.

Мажлис байбихълай, ихтилат бувна ХИажи Сулаймановичул.

Цанма ххирасса Чартгал жяматран дунни барачат чIа тIутIисса дуьрду. Миккува тапшур бунни къуру ялунчIин хъарас шун уккантIисса МахIаммад Сулаймановичул.

– Сахаватлусса вил канил хъарас шусса шингу, инава куна, барачатесса хъуншиврий шак бакъар. Хъинну рязину ура ва къуру вил канища ласаврий. Баргъгъарагъи даркъусса шин хъуннав, хъу-лухччи ддохъаннав. Жула аьршарай барачат ликканнав, лак, чув бухурчангу, шIуллуну битаннав, – увкунни МахIаммадлул къуру къамул буллай.

Хъирив ихтилатру бунни жяматрал вакилтурал.

Аьдатрайн бувну, ссупралух ккунукрал ва мечIал ххункIругу бувкуну, увккуна Хъузала хъарас шун, оьрмуллул хъуни-миннал дуруна дуьрду.



Гъанна бивщуна Хъузалагу, ялунчIин хъарас шун бакIрайн ларсманалгу.

Шичча кIура бавну махъ байбихъуна унгу-унгусса хъатIул мажлис. Мажлис бачин бувну ия шяраву бусравсса Къурбанов ХIанапи.

ХИажи Сулаймановичул кини хъун дан Москвалив бивкIун бия Дагъустаннал культуралул центрданул вакилтал ПатIима ХIаммадова ва Батуля Оьмарова.


Мажлисрал сий гъаз дунни Къа-

Буттахъал аьдатру

Инава куна, барачатесса шин хъуннав!

Жула Лакку биятрай аьдатравун дагъсса, инттухуннай дай-жесса Хъарас шаврил байран ца яла бусравмур ва сий думур байран дур, цанчирчан жула зунттал халкъуннал маэшат мудангу хъу-лухччинугур бивкIсса, жува аьршараллу бакI буккан буллай бивкIсса. Март-апрель зурдардий лакрал сайки цинярдагу шархъаву кIицI ларгунни ва байран.

Лахъа-хъунну кIицI ларгунни Хъарас шаврил байран Лакрал райондалийсса Чартгал шяравугу.



оьрчIан. Бяст-ччаллаву ххув хъуннин ххуйсса бахшишу дулай-шиву кIулну, гуртту хъун бивкIун бия шагъурдаясса оьрчIругу. Спортрал тIуркIурдал сакиншинначину ва хъунама судияну гъарица шинах уккай Чартгал школалул директор Максуд Къадиров. Бахшишу дуллай, оьрчIру ххари буллай ия цува Хъузала.

Оьрмуллул шиннах къаурувгун, къинибархан, гъарица хъамаличуначIан гъан хъанай, къулагъас дуллай, ччаннай авцуну ия ХИажи Сулайманович.

КIюрххия къуннилийн ссупралиягу, тяхъашивриягу шакъялххавай, ппив хъун ччай бакъа хъамал ва шарнил жямат. Ахирданий, цала байран хъунна дан бивкIсса хъамаллурахъ, шану къавлавхъун, дукрарду хIадур дуллай бивкIминнахъ, ххуйсса балайрдаину ва къавтIавурттайну мажлис чIолу бувминнахъ дакIнийхтунусса барчаллагъ тIупIисса ихтилат бувна мажлисрал залуннал – Хъун хъузала.

Анриана АБДУЛЛАЕВА
Имарна САИДОВА

Апрельданул 30-ний, Табиаету шануца шаллуну чантI увкуну, гъавагу биялну гъили хъусса шурттуву, кинтия махъ хъхичI лелуххантрал чурдал, хъирив Хурдаккавил байрандалиин бувIсса инсантурал тяхъсса чурдал таза дуккан дурну дия Шахуйннал шярвалу. Гъашину шикку Хъун хъузалану ия Адам-лул арс Муслим Аблиев.

Бадрижамал АБЛИЕВА

ДукIу Къурнил хъатIи бувсса, архсса Калининградрай ялапар хъанахъисса, Ашттарханов ИсмиллучIату Къуру лавсун, Муслимлул ва ванал кулпатрал Тамарал хъунмасса захIмат ва хIарачат бувну бия шярваллил инсантурал ва хъамаллурал хъхичI лажинкIялашиву дуван. ВацIилу-Зунттуин лажинну дарцIусса, цIуну дурсса вайннал къатраву хъхичI кьинива ширивкIуну бия бухху-букку. Къатрал хIаятраву шаллу дурну дия миллатрал зумунусса фотозона: буккан бувну бухсса бу-

Буттахъал аьдату

Шахуйннал Къурнил хъатIи



Хъун хъузала Муслим ва Тамара дустурал даянв



Гъарца шинал ва байран дурнал цIа чичайсса ва ялуннин байрандалул сакиншинна цайнна ларсманхъхъун булайсса Къуру



ттукъа ва тахIни-кIичIу, лавхъун бартбису.

Муслимлул ва Тамарал чIарав бацIан, зунтгал халкъуннал хъхичIарасса аьдатураи тамаша буван, лагмасса шархъая тIайла хъуну, Калининградраин биянинисса шагърурдай бувкIун бия чIявусса инсантал.

Дукрарду шахълай цIарах цучIав ацIан къауваншиврул, гъан-маччами байрандалиин бигъарахIатну шябикIаншиврул, шагърулиява бучIан бувну бия дукрарду дувансса устгартал. Шарай шарай, хъюртIа тIий бия хъуни кIункIурду. Цахъис хъхичIун буклай учин, суспралийгу, дукърахIанттия, узбакIнал пулаврая байбивхъуну, дакъасса дукрарду дакъая.

ЧIюлу бувсса, рукI-хъарас-рашалсса чал бакI дургъусса Хъун хъузала хъхичIну, вайми хъиривну, бувккуну циняв къурув. Баргъ-гъарагъи дакъиннав, ссавнил аьрши, аьршарал инсантал буччин буваннав тIисса мяъналийсса дуаьрду дурну махъ, къамагу бившуну, шуна цалчинсса хъарас. Къурув дувайсса аьдат-эбадатуру шаллу дурну махъ хъуна спортул личIи-личIисса жуардал бяст-ччаллу. Шикку ххув хъусса мюршминнан ва хъуниминнан, цалла оьрмулул шиннах бурвугун, дуллаи бия бахшишу ва байрандалул агъамур лишанну хъанахъисса бартри.

Гихунмайсса мажлис лахъи лавгуна суспралух. Хъурдаккавил мажлис хъиннува чIюлу буван лакрал балайчитурал Залина



Муслимлул ппу Адам «Аьрши ва агълу» передалунсса съемкардай

Гудовал, ХIабиб Къурбановлул ва Нуруллагъ Шагъмурадовлул. Лахълахъисса мукъурттил ляхкарах балайрду увкуну шярваллил инсантуралгу, хъамаллуралгу. Ва кьини махъру лахълахъимигу, вайннах вичIи дирхъумигу хъхичIва-хъхичI чIа тIий бия дуняил паракъат шаву, ххисала дъьвилул чIу къабаяву, вания гихунмайрив – лакрал шярваллурду цIу дуккаву, ххарихъиншивурту чIяру даву.

Гъашинусса Хъун хъузала Ванал кулпатрал Тамара бур ГъунчIукъатрал шяравасса, ванил, ДГУ-рал финансирттал ва экономикалул факультетту бувккуну, 20 шинни ДР-лул Центробанкрай

зий. 2020-ку шинал шяраву вайннал дурссар шусса къатри. ДукIу Муслимлул лавсэссия Къуругу, цIусса къатраву ва байран дувансса пикрилий.

– Гания шийнмай, дачIи шинай цал планну дичлай, цукун ци дуван хъинавав тIий, пикрирдай бивкIру, дачIи шинайгу – хIадур хъанай. Ва байран инсантурал дакIний личIанну, увкIма игъалаганну дуван ччай бия. Жул пикрилий, укунсса байранну чара бакъа аьркинсар, вайннул инсантал кувнначIан кув гъан буллаллсар, хъунмасса хIаллай кувннан кув къаккавки кка-ккакисар, къакIулми кIул хъанахъиссар. Хаснува махъа нанисса жагъилтал, телефоннавун



Миллатрал зумуну шаллу дурсса фотозоналчIа. Душварал даянв Муслимлул нину Гулизар

къувтIунавасса. Барчаллагъ жул чIарав авцIусса гъарцагу инсаннан, гъан-маччанан, дустуран, – тIий бия Муслим ва Тамара.

Байран хъуна лавайсса даражалий, мюршминнангу, хъуниминнангу дакIний личIанну. Ахттакун бизулуву ларчIисса чявхъа гъаралгу хъисрагу къадахчуну байрандалухун, хас-

мажлисан ялуннагу ца ххуйшиву ххи дуллаи дия.

Бити цIана Шахъував, хъхичI-ра кунна, хъуру къадугълай бикIангу, дити шярваллил армайданнугу, къурдугу, батIанма акъа, урттил бярахъхъун лавгун бикIангу. Даки дарцIуну бура инсантурачIан аьршарал къадрукимат, захIматрал бусрав-сий



Тяхъашиврул хъар цайнна ларсэсса Залина, ХIабиб ва Нуруллагъ

ну Табиаетрал укунсса ишругу хIисавраин лавсун, гъараясса магъинугу, кIири бургъиясса ххютнугу ванияр чIярусса шиннардил хъхичIра шярваллил хъхичI дурсса «навесрал» мухал магъуйх ришлашисса гъарал чIунил ва гъарал шин дуччиннин хIарчIисса аьршарал къункьал ва

зана хъуншиврий. Цалсарив, укунусса байранну чара бакъа аьркинни жунна, жямат цал ххисалану, байран савав хъуну, буттал шяравун бучIаваншиврул, шярваллил жяматрал, лагма шархъал ва личIи-личIисса миллатиртгал даянвсса дусшиврул арарду цахъ хъананшиврул.

Маданият

Ларисал концертрал ссихИрданул тИлисин

ПатИмат РАМАЗАНОВА

Савур бусса ванил гьунарданул тИлисин? Цаймигу бурхха республикалий гьунарду бусса балайчитал. Ларисан Аллагу Таабланал сахаватну дулуну дур бакИралгу, даКинилгу ххуйшиву, чурххал бюхъаву. Ванин цилла ххуйшиву адаврай лазиллакьи дуван кИулсса гьунаргу булуну бур. Мудангу ванил лаххия сахИналий миллатрал колорит вари тИсса дур. Лаххиялийн, колоритрайн цахъис гьартану гихунмайгу бучИанна. Гьунардануцун, ххуйшивруцун Лариса захИматчигу бур. ОьрчИнийва захИмат буллай хьунма хьусса душ бур. Хьусрациял шярвалу – шаэртурал, композитортурал ва балайчитурал мина душаврицун, машгьурсса поэтесса Миясат Муслимовал увкусса кушуй, «цинявгу лакрал творчестволул Макка» бушивруцун, захИматкашнал шярвалугур. Цан-чаннавува бивзун, хьу-лукччайн, машайн бачайссар Хьусрациял агьлу. Аьдатссар. Шаллусса зуруй, хьхьудяризаннин тИссакссагу, репетициярдай бия захИмат буллай аьдатсса Ларисагу. Сивсуну, лажин кИялану жулва хьхьичИун букканшиврул. Цилва концертрах мякь бувксса тамашачигуран авадансса ва азарва журацца асардал кацИру булугьну пишкаш буваншиврул. Гьай-гьай, шапИ куну бувцуну бия Оьруснал драмтеатрданул зал. Концерт дачин дурмургу цуппа Лариса бия. ТИайламур бусан, цу бутИуй ташвишну бивкИра, ва хьаргу цилла хьачИунтгайн циван ларсьссар, лях-карах бахханасса, тазасса чИуний программа баян буллалима кьахьинсарив тИий. Кьааьркинну ия. Саламатсса бушилий экиннисса балайрдал саргьуншиву ва ххуйшиву дяличИан дуллалисса чИу аьркин багьлай бакьая. Цама сахИналийн уккан уллансса, дакьикалийсса бухьурчагу, мутта Ларисал цилва чИуний, цилва хьхьичИмахь хИсаврай ххуйну бия. Гьаннайсса, шанна сьят ва дачИинний лахьи ларгсса концертрай Ларисал творчестволул ва даКинил даХаврил ххал дяличИан, дуцан кьариртунна. Чара бакьа хИсавравун ласун аьркинмур ва аьщуйн шун буван аьркинмургу – дакьая фонограмма. Халкьуннал инструментирттал паччахИлугьрал оркестр. Авурсса ва авадансса декорациярду. Ца аьнтИкИлану чИюлу бувсса сахИна. Дюрхьусса репертуар. Аьлтта чИалай бия, концерт лавайсса даражалий дуваншиврул, биялсса захИмат бивхьуну бушиву режиссертурал, оператортурал, чИунилсса, чанналсса, гьарзатралсса буллалиминнал. Гьарцагу штрих, деталь хИсавравун ларсьсса дия. ЯбацИансса дия Ларисал лаххия, миллатрал элементирттая ца сантиметралул манзилдануллагу тиннай дукьарсца костюму. Гьарца балайлул темалуцун даркьусса наряд, образ. Сайки гьарца балай шаллу-ккурккисса спектакль бия. Экиннай бия, Абачара ХИусайнаевлул мукьуртгийсса Гьази-Гьумучияхасса санаърая тИайла хьуну, Дагьусттаннал мусил фондравун багьсса балайр-

Дагьусттаннал халкьуннал балайчи Лариса ХИажиевал цИусса концертрал хавар буккайхтува, биялсса аваза гьаз хьуна агьалинаву. Социал сетирдайгу, чИяуссаннал зумувгу ихтилат му концертрая бия, чИалай бия агьали бунияттунгу мякь бувккун бушиву жулва Примадоннал цилалусса концертрах. Бия, билетру багьлул ххирасса бур тИий, рязи бакьассагу. Бия, мяш кьавхьуну, ласунну, жунмарухха ласласисса, жуннар байран тИутИиссагу. Гьалбатта, билетруми, бириян кьабивтун, циняв лавсун бия. Концертрайнинн нюзмар лирчИсса чИумал, ттухь Москвалиясса дуснал тавакью бувна, цинмагу билет ласикьай увкуну. Афишалий ккаккан бувсса номерданийн овьчайхту, билетру бавхьуну бакьассар цавагу увкунни. Вагу Ларисал гьунарданул, тИайлабацИулдул лишанни.



Лариса ХИажиева



ду. Гьай-гьай, чИявуми балайрду Хьусрациял шаэртурал(Мирза МахИанмадовлул, МахИаммад Загьид Аминовлул, Сибирбаг Кьасумовлул) мукьуртгийсса бия. Аьрасатнал культурулул лайкь хьусса зузала Качар ХИусайнаевалу концертрай кИинИ лавгунни, Хьусрациял шярвалу – шаэртурал минар, ва темалий ихтилат сукку бувкун, шаллагу дунялий машгьурсса композитор Ширвани Чаллаевлул увкуна, чИюлусса уртту-тИутИал, жюр-жюр тИисса шарашал авадансса, тилкинсса арду-майданну бусса тИабиаьт багьана хьхьунсся, инсан кьурув, лукччайн увкун, цанма ччийкун чИу итабакьин шайсса кИантту бушиврул бияла бухьунсся куну. ЧИявуя чурххавун зурзу бутлатисса ба-

лайрду. ПартИу ПатИмал зума. ОьрчИшиву итталу загьир дуллалисса ХИухчил балай. Мазагьиб Шариповлул музыкалийсса, Мирза МахИанмадов авторсса. Хханхиравун бювххун лавгуна Украиннай чувшиврий жанну дуллусса виртгаврахасса балай. Ххадиджат Цаххаевал мукьуртгийсса ва Оьмар МахИадовлул музыкалийсса. Ва балай тИисса ппурттуву сахИналий ккаккан дуллай дия лакрал язисса шагьидтурал суратру. Макь лихьлахьисса тамашачитал, лавай бивзун, шьякьабикИлай бия балай кьуртал шайхтугу. На ва балай гьан бувссия чувшиврий жан дуллусса ттула шяравучунал, АхИлад ХИажиевлул, ниттичИан, СанянтлужИан. Ва кьабардин миллатрал инсанни. Ванин яла ххиратур балайчи Лариса льякьун-

ни. - Ца ацИийлла вичИи дишав, ахирданийгу Ларисал хьирив навагу балай тикрал буллай льякьунна, чИатИаракИну кьувтИунни ва балай, так чаннасса даКИ кьювулул бас дуларчагу, пахрулулгу цИунцИугИ дуллалисса, - увкунни Санянтлул.

Бюххансса бия лакрал машгьурсса балайчитал, композитортал даКИинийн бичлачисса балайгу, бакИра-бакИрах ккаккан дуллай бия минналми суратругу. Укун даКИру хьюлчай учин дуллалисса балайрду ялагу-ялагу бия: Дагьусттаннал язисса арсавран Амучи Амуттиновлун хас бувсса, халкьуннал шаэр Сибирбаг Кьасумовлун хасьсса ва цува авторсса балай. Дия ххаллилсса дуэтругу: Аьрасатнал лайкь хьусса артист МахИаммадИагьир

Курачевлушалсса, Дагьусттаннал ва Чачаннал халкьуннал артистка ПатИмат Кьагьировалшассса, яруссаннал балайчи Руслан ХИасановлушалсса, Ислам АхИмадовлушалсса. «Лезгинка» ансамбльданул балетмейстер, Дагьусттаннал лайкь хьусса артист Кьурбан Рамазановлул гьунарданул ва бюхьу-хИарачатрал хИасиллугу концерт дюхьан дуллалисса дия: фольклорданул караматру, хьинну даши дизансса кьавтИавуртту, халкьуннал хИакьсса хореография. Гьаннайсса, ябатИин кьахьунну ябацИанмур сахИналий чан дакьая.

Бахшишру чИяруя, валлагь, Бконцертрай. Чачаннал лайкь хьусса артистка Раяна Асланбековал увкуна лакрал гимн. ПатИмат Кьагьировал увкуна лаку мазрайсса балай. Ларисал цилвагу увкуна яру мазрайсса. Гьаннайсса, сахИналий дия дагьусттаннал культурулул, дагьусттаннал музыкалул байран. Бияча интеллигентныйсса публика. СахИна тИутИавун бахьлаган бувна. Залданува цамур чИумал бикИайсса аьлагу жа бакьая. Балайчинал хИурмат бакьасса иш хИсав кьавхьуна. Гьаннайсса, Ларисал концертрал ссихИрданул тИлисин лаласун кьашайсса бия.

Ахирданий, бакьлай буре Аттулва наставник Качар ХИусайнаевал увкумуницун: Лариса ХИажиевал даражалийсса балайчи республикалий акьар, уккантИишивугу кьакулли. Ялун ххигубанна: Лариса ХИажиевал даражалий концерт ккаккан дувансса балайчи ушивугу кьакулли.

ТивтГунни аьралитуран кумагрансса штаб

Апрель зурул 28-нний Захар Прилепиннул Дагъусттаннай тивтГусса штаб 17-чинсса хъанай бур. Вай штабру титГинсса сиптачину увксса Захар Прилепин ур СВО-рай нанисса операциялуву гьуртту хъанахъисса аьралитуран кумаг буллалисса ва чIарав ацIацIисса хIакъсса патриот. ХъхъичIава укунсса штабру тивтГуссия Москвавил, Саратоврай, Краснодаррай, Омскалий, Екатеринбурграй, Владикавказрай, Нижний Новгородрай, Калугалий, Хабаровскалий, Смоленскалий, Красноярскалий, ЛНР ва ДНР, Херсонскалал, Запорожулал ва Харьковулал областирдай.



Имара САИДОВА

Штаб титIаврин хас дурсса батIаврий Захар Прилепиннул балжину бувсунни структурардал аьралитуран буллалисса гуманитар кумагра. Дагъусттаннай тивтГумур штабрал мурадгу бур аьралитуран ва тиккусса укунмасса инсантуран ихIсандалул кумаг буллалаву. «Украиннал аьршарай хасъсса операция байбивхъуния шийнмай, Захар Прилепиннул штабиртгал зузат, хасъсса операциялулу ишру нанисса, оьрмулун нигъачIаву дусса кIантурдайн аьралитурасал бухлай, бюхъаймунил кумаг буллай, чIарав бацIлай буссар. Цикссагу ишру хъуссар, штабрал мурадгу бартбигълай, зузат оьрмурдацIа хъусса. Шиккува кицI лаган, Дагъусттаннал ХIукуматрал хъуннасса кьулагъасрайн ларсун дуссар хасъсса операциялуву гьуртту хъанахъиминнал чIарав бацIаву. Цурда ца республикалий дакбар, Дагъусттаннай кунна, аьралитуран чялишсса кумаг буллалисса давуртту дачин дурну», – увкунни АьФ-лул сенатор, «Справедливая Россия – За Правду» партиялул член Сергей Безденежныйл.

Захар Прилепиннул тивтГусса структурардал, 2014 шиннал байбивхъуну, Донбассран кумагру буллай буссар. Хасъсса операция сукку хъуния шийнмайгу вай хъхъу-кьини дакъа зий буссар, гуманитар кумаг сакин буллай ва ми аьралитурачIан биян буллай. Ихтилат бунни Дагъусттаннай тивтГусса Захар Прилепиннул штабрал каялувчину ивтсса Шамил Оьмаровлул. «Штабрал зузатрал кабакъаврийн бувну сант ххисшала хъунтГиссар гуманитар кумаг аьралитурачIан биян. Му бакъасагу, регионалий иширайну зузи дуллай буссар «Территория Z» тисса патриот зумунсса проект. Штабрал мурад проектрал лагрулий дачин дурсса сиптардал чIарав бацIавур», – увкунни ванал. Штаб тивтГлатIисса батIаврий презентация дунни «Танк Победы» тисса акциялул лагрулий кIива зурул хъхъичI дайдирухъсса проектрал. Ваняр хъхъичI Москвавил Захар Прилепиннул штабрал дайдирухъссар «Армата» тисса танкрансса арцу датIлатIисса акция. Дагъусттаннай тивтГусса штаб буссар МахIачкъалалив Лениннул цIанийсса майданнивсса Профсоюзиртгал къатраву.

Чийннал жяматраву чансса бакъар шярваллилу, жяматралгу цIа бюхттул дуллалисса, оьрмулулу, захIматралгу ххулу лайкъну бивтсса инсантал. Миннавасса ца ур оьрмулул чIяруми шинну закондалул ва низамрал къаралданий авцIуну гъан дурсса Къурбан Къубалаев.

Юбилейран хасну

Закондалул къаралданий

Анриана АБДУЛЛАЕВА

1951 шинал ЧIайннал дянивмур даражалул школагу къуртал бувну, ца шинайсса шиккува хъунама пионервожатыйну зийгу ивкIун, Къурбан лавгун ур аьралуннаву къуллугъ бан. Зана хъуну махъ увххун ур Ашхабадулал шярваллил хозийствалул институтравун. Вагу къуртал бувну, Дагъусттаннай автобусиртгал паркрал хъунаману, «Дагрыба» идаралий хъунама инженерну зий ивкIун ур. Ца ппурттуву республикалул ГАИ-лул отделданий зузисса дуснал, цачIава ларайсса кIулшивуртту ларсъсса зузат аьркинну бур тий, Къурбан Госавтоинспекциялул органнавун кIункIу увну



Къурбан Къубалаев



Къурбан ссурваврашал Муьминатлушал (чIарав), Патиматлушал, Пирдавслушал, Муслиматлушал, ш. Чарджоу.

ур. Муния ва тачIав пашмангу хъуну акъар. Шикку Къурбан, ххуллул низамрал инспекторная айивхъуну, хъунаманал хъиривчунал, хозийствалул отделданул хъунаманал къуллугърайн ияннин зий ивкIун ур. Ххуллул низамрава бувксса иширтгал чулуха ванал участок яла эбратмур

диркIун дур. Ва тагъаргу Къурбаннул хIарачатрайну хъуну дур. Ва гъарзатрал ялул личIлулу ацIайсса зузала ивкIун ур. Аьрххи-ххуллийн бувкми балапатIрая мюхчан баву мурадрай, ххуллурду светофордал дузал бан, ххуллул лишанну дшин, аьршарал лултгусса ххуллул лахъазан дан ванал хъунма

сса хIарачат бувну бур цува зузисса шиннардий. Шикку зий унува, хасъсса кIулшивуртту ласаву мурадрай, увххун ур Бакуйнал автодорожный институтравун. Цува зузисса кIантурдай ва кIулшивуртту дусса лавайсса даражалул пишакарнан ккаллину ивкIун ур. 1986 шинал ва пенсиялийн увккун ур. Пенсиялийн увккун махъгу даврил опыт бусса зузалайн тапшур бувну бур Дагъусттаннал трансправлениялул хъунаманал хъиривчунал къуллугъ. 2001-2010 шиннардий ва ивкIун ур ГАИ-лул Ветерантурал советрал председателъну. Цала къуллугъиртгацIун бавIуну ва чIявуну аьрххи-ххуллурдайгу уккайсса ивкIун ур. – На къайвсса шярвалу дакъассар Дагъусттаннай, – учай Къурбаннул. Сайки 30 шин дурну дур Къурбаннул органнавун зий, чIивима лейтенантнал чиндали айивхъуну, подполковникнал чин ласуннин. Лайкъ хъуну ур кIира-шанна «За безупречную службу» медальданун ва цаймигу наградартган. Ва ур ДР-лул транспортрал лайкъ хъусса зузала, ДР-лул виваллил иширтгал органнал лайкъ хъусса зузала, Милицанал отличник, ЗахIматрал ветеран. Къурбаннуя гъалгъа тий, букъавсун къабучIир ва мударгу, хIакъинусса кьинигу, цала уссу-ссуннал чул бишай кIануну хъушиву. Укун дакIнийн бутлай бур ссу Муьминат: «Жул бутта ччяни ивкIуна. Му чIумал ттун дахъра ххюра шин дия. Армиялийсса уссил бутта акъа ливчIсса жу ххари бан, цанма буллусса шагъи цачIу бивхъуну, жун лахха-ликканмур ларсун, посылкартту гъан дайва. Му посылка титIлатIисса ххарисса лахIа тачIав ттул дакIния къабуккай. Усу жун бусса оьрмулий буттан кIанай авцIуссар». Цала кулпат Лидашал Къурбаннул, ххаллилсса тарбиягу дуллуну, цала-цала оьрмулул ххуллийн бивчуну бур арсту, душгу. Кулпатгу циламур пишалул ххуллий бусрав хъусса инсан бур. Ва бур ккарччал хIакъин. ЧIярусса шиннардий зий бивкIун бур Республикалул стоматологиялул поликлиникалий. **Вай гъантрай Къурбаннул оьрмулул 90 шин бартлаглай дур. Юбиларнан ва шала кулпатран чIа тий бур цулулушиву. Уттиния тинмайгу цаннал ца ххари буллай битаннав.**

НурмахIаммадулу аьпалун хас дурсса турнир

Апрельданул 30-нний хъунни Аьрасатнал Виричу НурмахIаммад ХIажимахIаммадовлул аьпалун хас дурсса АРМ-лул (армейский рукопашный бой) МахIачкъалалал первенство – юниортурал ва чIава жагьилтурал дянив. Бусравсса хъамаллуравух бия Аьрасатнал Виричунал нину Сапигат Мазаева, республикалул спортрал министрнал хъиривчу ХIайдарбаг ХIайдарбагов, аьралитал. Турнир цалчинни дуллалисса, амма му дуллантIий бур гъаршинах. Турнир титIаврий махъ лавхъунни МахIачкъалалал мэр Ризван ГъазимахIаммадовлул.



– ХIурмат лавайсса ватанлултал! НурмахIаммадул бувсса гъунар тачIав хъамакъабитантIиссар, ваная эбрат ласлай тарбия хъанантIиссар Аьрасатналгу, Дагъусттанналгу, МахIачкъалалалугу наслурду. На вихссара турнирданул гьуртту-читурал абад буллантIишиврийн НурмахIаммадул аьпа, хъхъичIуннайшивурттайн кIункIу хъанантIишиврийн дукъавривугу, спортравугу, ва куна. Жула Ватангу ххирану дикIаншиврий! Виртгал ликъатIайссар! Ми утгавассар, жула дакIурдиву буссакеца!» – кунни МахIачкъалалал мэрнал. **ХIадур бувссар ХI. АьДИЛОВЛУЛ**

Фотосуратирттайнусса жула тарих



Ттул Виратти



А. Махладов



Шагъабуттин

Виратти маевкалий



Хъун дъявилул гурттучитуралсса хъунабакъаву



Дъявилул гурттучитуран дацан дурсса гъайкалданучла



Дустурал ккуран



Хъатлул мажлисрай



Ашттарханнай яхъанай бивклсса виратти



Байрандалий

Фотосуратирттайнусса жула тарих



XI. Абдуллаев



Уссурвал МахIаммадовхъул



З. Ссунгъуров



А. Къурбанов



Мусттапахъул



М.-Р. Шахшаев



Б. ХIажиев



Уссурвал Къурбановхъул



Аб. Къурбанов



XI. Абдуллаев



Уссурвал Абдуллаевхъул



Х. Батиров



Сс. Абдуллаев



Пиризи ва ванал наслу



М.-С. Абакаров



ИТНИ, 8 МАЙ

06.00 Новости.
06.10 Х/ф «Горячий снег». (12+).
08.10 Х/ф «Летят журавли». (12+).
10.00 Новости.
10.15 Х/ф «На войне, как на войне». (12+).

РОССИЯ 1

ИТНИ, 8 МАЙ

05.30 Мария Куликова, Глафира Тарханова, Константин Соколов и Сергей Юшкевич в фильме «С приветом, Козаностра». [16+].
07.10 Карина Анцолелло, Анатолий Руденко, Лариса Лужина, Татьяна Агафонова, Евгений Леонов-Гладильцев и Галина Бакашская в фильме «Дождаться любви». [12+].

ТТЛАТ, 9 МАЙ

05.00 Новости.
05.10 «День Победы». Праздничный канал.
09.50 Новости.
10.00 Москва. Красная площадь. Парад, посвященный Дню Победы.

АРВАХИ, 10 МАЙ

05.00 «Доброе утро». (12+).
09.00 Новости.
09.20 «АнтиФейк». (16+).
09.55 «Жить здорово!». (16+).

ХАМИС, 11 МАЙ

05.00 «Доброе утро». (12+).
09.00 Новости.
09.20 «АнтиФейк». (16+).
09.55 «Жить здорово!». (16+).

НЮЖМАР, 12 МАЙ

05.00 «Доброе утро». (12+).
09.00 Новости.
09.20 «АнтиФейк». (16+).
09.55 «Жить здорово!». (16+).

ХХУЛЛУН, 13 МАЙ

05.25 «Полкаст.Лаб». (16+).
06.00 «Доброе утро». Суббота. (12+).

АЛХИАТ, 14 МАЙ

05.20 «Полкаст.Лаб». (16+).
06.00 Новости.
06.10 «Полкаст.Лаб». (16+).

ТТЛАТ, 9 МАЙ

04.20 Павел Барша, Василиса Семишова, Екатерина Смирнова, Полина Пушкарук, Мария Баева, Александра Милейшина, Сергей Пускегалиси, Константин Милованов в фильме «Через прищел». [12+].

АРВАХИ, 10 МАЙ

05.00 «Утро России».
07.35 «72 Вознесенский». (12+).
08.07-08.10 Вести-Дагестан.
08.35-08.41 Вести-Дагестан.

ХАМИС, 11 МАЙ

05.00 «Утро России».
07.35 «72 Вознесенский». (12+).
08.07-08.10 Вести-Дагестан.
08.35-08.41 Вести-Дагестан.

НЮЖМАР, 12 МАЙ

05.00 «Утро России».
07.35 «72 Вознесенский». (12+).
08.07-08.10 Вести-Дагестан.
08.35-08.41 Вести-Дагестан.

ХХУЛЛУН, 13 МАЙ

05.00 «Утро России». Суббота.
06.00 Вести-Дагестан.
08.20 СУББОТА.
08.35 «По секрету всему свету».

АЛХИАТ, 14 МАЙ

06.05 Яна Шивкова, Андрей Караконислав Чернышкин в фильме «Звезды светят всем». [12+].
08.00 ВОСКРЕСЕНЬЕ.
08.35 «Когда все дома с Тимуром Кизиковым».



ИТНИ, 8 МАЙ

07.00 Время новостей Дагестана. Итоги.
10.00 Х/ф «В тумане» 16+.
10.15 «Выходные на колесах» 61 с. 16+.
10.40 Х/ф «Родина или смерть» 16+.

ТТЛАТ, 9 МАЙ

08.00 Мультифильмы 0+
08.30 Время новостей Дагестана
08.55 Т/с «Чужая кровь» 17 с. 16+
09.50 «Маленький концерт» 0+

АРВАХИ, 10 МАЙ

07.00 «Утро России».
07.35 «72 Вознесенский». (12+).
08.07-08.10 Вести-Дагестан.
08.35-08.41 Вести-Дагестан.

ХАМИС, 11 МАЙ

07.00 «Утро России».
07.35 «72 Вознесенский». (12+).
08.07-08.10 Вести-Дагестан.
08.35-08.41 Вести-Дагестан.

НЮЖМАР, 12 МАЙ

07.00 «Утро России».
07.35 «72 Вознесенский». (12+).
08.07-08.10 Вести-Дагестан.
08.35-08.41 Вести-Дагестан.

ХХУЛЛУН, 13 МАЙ

07.00 Время новостей Дагестана
07.20 Передача на якутском языке «Халк ва заман» 12+
08.00 Мультифильмы 0+

АЛХИАТ, 14 МАЙ

07.00 Время новостей Дагестана
07.20 Передача на эльзаском языке «Вахтар ва инсанар» 12+
08.00 «Мой мальш» 12+



ИТНИ, 8 МАЙ

04.40 «Алтарь Победы».
05.35 Х/ф «Дед Морозов». (16+).
08.00 «Сегодня».
08.20 Х/ф «Дед Морозов». (16+).

ТТЛАТ, 9 МАЙ

04.25 Х/ф «Двадцать восемь гвардейцев». (12+).
06.00 Х/ф «Дед Морозов. Оружие возмездия». (16+).

АРВАХИ, 10 МАЙ

08.00 Мультифильмы 0+
08.30 Время новостей Дагестана
08.55 Т/с «Чужая кровь» 19 с. 16+

ХАМИС, 11 МАЙ

08.00 «Сегодня».
08.25 Т/с «Морские дьяволы».
08.30 «Сегодня».
08.35 Т/с «Морские дьяволы».

НЮЖМАР, 12 МАЙ

08.30 «Сегодня».
08.55 Т/с «Морские дьяволы».
09.00 «Сегодня».
09.05 Т/с «Морские дьяволы».

ХХУЛЛУН, 13 МАЙ

07.30 «Смотр».
08.00 «Сегодня».
08.20 «По делам, по делам!» (16+).

АЛХИАТ, 14 МАЙ

06.35 «Центральное телевидение».
08.00 «Сегодня».
08.20 «У нас выпрыгивают!» (12+).

«Илчилул» календарь Ва нюжмардий бувссар

Май зурул 1-ний 1923 шинал увссар медициналул элмурдал доктор, профессор **Аскандар Масуев**.

Май зурул 1-ний 1977 шинал бувссар балайчи, Дагъусттаннал халкъуннал артистка **Лариса ХИажиева**.

Май зурул 4-ний 1933 шинал увссар подполковник, ДР-лул транспортрал лайкъ хусса зузала **Кьурбан Кьубалаев**.

Май зурул 4-ний 1954-ку шинал увссар техникалул элмурдал кандидат, профессор **Кьурбан Кьурбанмахаммадов**.

Май зурул 5-ний 1921 шинал увссар Совет Союзрал Виричу **Ризван Сулайманов**.

Май зурул 5-ний 1960 шинал увссар жяматийсса ишккакку, ишбазаранчи **ХИажи ХИажиев**.

Барча бавуртту



Вай гъантрай жул ишинитан кIану бакъасса, аьзизсса уссин, ЧIяйннал шярвасса **Кьурбан Кьубалаев** лун 90 шин

бартлаглай дур.

Жул уссу оьрмулулгу, захматралгу ххуллу лайкъну бивтесса, жяматран бусравсса, дустурачIа ва даврил уртакъурачIа хIурмат ххисса инсан ур. Мачча-гъаннангу иш багъний чIарав ацIан, маслихат бан акъа чара бакъассар. Жунгу, ччяни буттацIа хусса уссур-суннан уссушивугу дурсар, буттан кIанайгу авцIуссар.

Ххирасса уссу, барча вил юбилей! ДакIнийхтуну чIа тIий буру вин цIуллушиву, ххаришивуртту, хьиншивуртту. Уттиния тихунмайгу Хъунасса Занна итабавкъусса гъантта бигъану, рахIатну бутанна ина. ОьрчIалгу, оьрчIал оьрчIалгу ххари уллай итанна. Жун ина чан къаанна.

Ссурваврал, щарссанил, циняв гъан-маччанал цIания куяв Загъиди ва ссу Муьминат

ДакIнийхтуну барча тIий буру жунма цинявннан дазузума дакъа ххирасса маччадуш, дакI-аьмал хьинсса дус ва даврил уртакъ, яхI-къириятрал ва мяърипатрал бувччусса цила бикIайкунсса зунттал душ **Сагъират Сунгъуровахъ** – **АхIмадхановахъ** бувсса кьини.

«Илчи» кказитрай зузисса шиннардий ванил ккаккан бувна цуппа бюхъу-гъунар бусса журналист ва жаваблусса зузала бушиву. Цила хьиншивирйну, инсаншивирйну ххира хъуна шала коллективран.

ХIакъинугу, Ватандалия архну бунугу, кказитрашлссса ва коллективрашлссса дахIаву хIура хъун къабацIай.

ЧIа тIий буру Сагъиратлун, ванил кулпатран цIуллушиву, дуллалимуниву тIайлабацIу. Ина, вила ласналгу, оьрчIалгу вив лавсун, миннал ххари буллай битанна чIярусса шиннар-



дий. ДакIнийсса мурадру бартлаганна, гъарица бивзсса ша Зал архIалсса хъунна.

Ина ххираминнал цIания Андриана

Баян

«Илчи» бишлашисса барча бавурттал текстру буссар укуннасса барча баву – 200 къ. суратрашлссса барча баву – 500 къ.

Барча буллай буру

Москвавилссса Дагъусттаннал Культуралул центрданул активистьтурал ва коллективрал цIанияту дакIнийхтуну барча дуллай буру «Илчилул» журналист ПатIимат Рамазановал 55 шинал юбилей. ПатIимат, ина итххавхсса журналист бушивруцIун, гъунар бусса шаэр ва хъьичIунсса публицист бура.

ЧIярусса шиннардийсса захIматрайну ина лайкъ бунни миллатрал хIурматгу, ччавугу. Шиная шинайн вил опыт авадан хъанай, даву магъир хъанай дур, хIукуматралгу багъавай лавайсса кьимат бившушиврул барашин дуллай дур вил ларайсса наградартгалгу: ина Аьрасатнал Чичултрал союзрал член бура, Дагъусттаннал Культуралул лайкъ хусса зузала бура. МуницIухва ина творчестволул даврицIун бюхъулий дуллай бура жяматийсса активисткал давугу. Вил рувхIанийсса потенциал лакку маз яшаврил ва гъаз баврил ххулийсса бур, миллатрал культура, аьдату дурччавриву бутIа бихълай бура. Вил произведенияртту инсани-



ПатIимат Рамазанова

ятрахсса ва буттал улкхусса ччаврил вибувцIусса бур. Вил пасихIсса шеърирду буккултран ххира хъуну бур ва Дагъусттаннал машгъурсса артистьтурал-балайчитурал репертуардану буру. Къалешанна вил потенциалданул чани, уттиния тийнмайгу ххари булланна ина вилва творчество ххирами ххаллилсса назмурдайну ва публицистикалул жанрданийну. Вин цIакъсса цIуллушиву чIа тIий, дакI дарцIуну буру уттиния тийнмайгу Москвавилссса дагъусттанлувтуран ва Москвауллал агъулданул дагъусттаннал культуралул, поэзиялул, публицистикалул кици ккаккан буллалисса проектру уртакъну бартдигълан, республикалул хъьичIунсса инсантурая, аьлимтурая, художниктурая, аьмну интеллигенциялия бусласисса даву сантирай ва бюхъулий цачIу дуллалIишиврий. ТIайлабацIу банна, арснал ххари булланна!

«Дагъусттан» МКЦ-лул Президент Арсен ХIУСАЙНОВ

ДакIнийхтуну барча дуллай дур жунма хьинну ххирасса ва хIурматрайсса, миллатрал культуралулгу, ниттил мазралгу къаралданий цIакъну бавцIусса «Илчи» кказитрал зузала, ххаллилсса журналист ва шаэр ПатIимат Рамазанова ниттил бувсса кьини!

Цимур-цагу юбилей жура ккалли дувару оьрмулул ххуллул лахъазандалун, дувару миккун дияннинсса шиннардил мутталай дурсса давурттал хIасиллу.

Уттинин ПатIиматлул дурсса чIярусса давурттан бишин лайкъссар яла лахъмур кьимат – 55 шин! Гихунмайсса оьрмулуву бачийча утти так цавай плюору. Ми плюоругу вил оьрмулуву, чIяву хъурча бакъа, чан къахъунна, я Аллагъ!

ЧIа тIий буру вин цIакъсса цIуллушиву, давриха зунсса гъавас бухкъалагаву! Яла-яла, вила аьзизсса арс Артурдул ххари буллай, му талихI-тирххандарайн уккаву.

Жу мудангу барчаллагъ-рай буссару «Дараччи» фон-



драл цIаний ина буллалисса захIматрахлу ва виинна тапшур дурсса цимур-цагу даву жаваблуну биттур дайну тIий. ПатIимат, цал уттигу барча

тIий буру вил оьрмулул лахъазан! Жун ина чан къабанна, оьрмулул буччин битанна!

«Дараччи» клубрал цIания Гильшан ХАСАЕВА

Пироговлул орден лайкъ дунни



Рамазан Абакаров

Андриана АБДУЛЛАЕВА

Аьрасатлувтуран личIи-личIисса паччахIлугърал наградарту дулун ккаккан буллалисса Аьрасатнал Президентнал ХIукмулийну, цIуллу-сагъшиврул ххулийсса лайкъшивурттахлу ва чIярусса шиннардий дакI марцIну бивхъусса захIматрахлу Пироговлул орден дулунни Коми Респуб-

ликалул азарханалул хъунама хIакин, Ккуллал шярвасса МахIаммадал арс Рамазан Абакаровлун.

Чил кIанай бусравну ва хIурмат-къиматрай оьрму бутлатисса жула лаккучу дакIнийхтуну барчагу уллай, чIа тIий буру оьрмулулугу, давривугу тIайлабацIу ва ххарисса ишру.



Аьрасатнал вице-премьер Татьяна Голиковацал

Жул интервью

«Къуллугъ лавайсса Аллагънал хъхъичИсса жаваблувшивугу хъуннассар»

- Салам аьлайкум, Мухаммад-Маннар. Цукун лавгри ва Рамазан барз вин винмагу, аьмну райондалунгу?

– Ва аьлайкум ассалам ва рахматуллагу, кказитрал редакцияй ва кказитрал буккулт! Барча дуллай ура шалвагу лакрал миллатрахъ Зумаритавал байран. Дургъуцирив зумардугу, бувцирив хъинбаларттугу Аллагънал къамул буваннав.

Рамазан барз лавгунни райондалул шярваллавусса ифтардайнугу, хъуниминнал ва мюршиминнал дянивсса конкурситтайну. Рамазан барз байбишин хъхъичИ Ваччав буварду хъунмасса мажлис «Барча Рамазан барз» тИсса цанилусса.

Махачкъалалив ва Каспийскалий хъусса 2-мур ЦувкИуллал, Хъювхъиял, Ваччиял жяматиртал ифтардайнугу дуварду гурттушинна, мукума – цИуну буллалисса хъунмасса мизитраву хъусса лакрал миллатрал ифтарданийгу, цайми-цайми иширттайгу. Райондалийсса ахвал-хал Кюласса кулпатирттайх «Инсан» тИсса фондрашал цачИуну бачИарду ттуршва иникъаллул, ттуршва хИуву качарданул, ттуршва ппиринжрал дарвагру, ххяххиялул аьгъушиву, макаронну ва цамур.

- Зумаритавал байран гъарца шинал ца куцуй шайрив? Ягу дурив ляличИну дакИний дирчИссагу?

– Ва Хъуннасса Аллагънангу хъинну ххирасса мубараксса Рамазан барзгу, Зумаритавал байрангу ца куцуйсса къашай, даврийгу нава ца кИанай акъахъувкун, ца шинал ца жяматрашал, гамур шинал – гамур жяматрашал тИссакссагу. Яла-яларив, дакИний дирчИунни нава, дуккавугу къуртал дурну, буттал шяраву дахъа зий айивхъусса шиналмур байран, га чИумалсса ифтардугу, таравихИ-чакругу.

- Буси виява, вила оьрмулия.

– На увну ура 1988-ку шинал апрельданул 4-нний Хъурив, ва шяравасса Билаллул ва Аьишатлул кулпатраву. Ттул ппу Билал Хъурив гъаттарал хИакинну зий ур, нину Аьишат Хъурттал школалий ингилис мазрал учительну зий бур. Кулпатраву на ура шамилчинсса оьрчИ, ттуяр хъуними уссурвал Рамазан ва ХИусайн шагъурдай цалла давурттай бур, ттуяр чИивимур ссу Шахсалан, кулпатралгу хъуну, КИуврав ялапар хъанай бур, уссу Бахтияр Гъумук ххуллул участокрай хъунама инженерну зий ур. Ттул кулпат, Зайнаб, Шалиясса бур. Ва бур шагърулий хъунма хъусса душ, Лаккуйн ттун шар хъуну бувкИсса. Жул бур кИия арс ва кИива душ, хъуними арс ва душ Хъурив школалийн занай бур: школагу чИаравва буну, ттулла нинугу школалий зий дуну, кИиккува битарду. Жува, Зайнабгу, Шалия мюршими оьрчИгу, Ваччав буру, нава тикку зий ухъувкун. Хъусса чИумал, ножмардий цал-кИийлава, Хъуривгу лагару, чара бакъа.

Махъ ливчИунни гъарцагу бусурманчуннан ххирасса мубарак-сса Рамазан барз. Ванияссагу, укуннасса чИумал дуллалисса давурттаяссагу ихтилат хъунни Ккуллал райондалул имам, Билаллул арс Мухаммад-Маннар Бариевдушал.



Мухаммад-Маннар Бариев

Ттун дирзун дур космонавт Муса Маннаровлул савлугърансса Маннар тИсса ца. Ваннинин ттурчарив, буттан ттун Мухаммад тИсса ца дизан ччай бивкИун бия, кулпатраву шамилчинма арс увсса чИумал мунан Мухаммад тИсса ца дизайсса аьдат дуссар тИий. Аммарив нитти-бутташа лаккучув космосравун левхсса, укун хъунмасса, укун ххарисса иширал чИарах буккан хъуну бакъая. Нава Исламрал институтраву дуклакисса чИумал Мухаммад тИсса исламрал аслийсса цIагу на нара хъхъичИун ласав, ттула буттал нудру шаллу хъуншиврул.

Школалийн на лавгра буттал шяравува. Хъурттал оьрчИру, байбихъулул школа бувккуну махъ, гихуннайсса дуккаву дуван чIаххуврайсса ХъурукИуннал 8 шинал школалийн, шикку 9-мур класс къуртал байхтугу, 10-11-ми классру буккин Гъумукун лагайссыя. На 4 класс бувккисса чИумал Хъуриева тIивтИуна 9 класс, муниятугу ттун чунчIав занан къабегъуна. Буттал шярваллил школалий 9-мур класс къуртал байхтугу, 11 класс тIивтИуну, шиккува дуклан ивкИра. Школа къуртал бувайхту, дуклан уххан ччисса кIанттурду личИ-личИсса буссия. Шиккугу буттал кИишИ лавгунна панма мудангу ччай бивкИшиву цала цания-ца оьрчIал дин лархъхъуну.

Ганинин чак бувайссия, ттуна кИумур шайсса куцуй буккайссыя. Буттан, цала буттал нит-

тил лахъхъин бувну, диндалул багъу-бизу кИулли, оьрчИнийва жухъгу диндалуя чIявусса затру буслай икIайва.

Мукун 2004 шинал, школагу къуртал бувну, увхра Ухссавнил Ккавказуллал Исламрал университетравун. Ххюра шинай дурккуну, 2010-ку шинал къуртал бувсар Дагъусттаннал Исламрал университет ва ванишала архIал Теологиялул институтгу. Дуклакминнаву жулва лак чанну бия. Амма жунма кИулли жула лакрал ислам дин цалчин къамул дуршиву, жулва диндалул 1 200 шинайсса тарих бушиву, ванни барашиннану Гъази-Гъумук бавцИуну бушиву ванияр 1 200 шинал хъхъичИ, ислам къамул дурсса чИумал, бувсса мизит, жулва бушиву шалва Дагъусттаннай дин машгъур дуллай бивкИсса хъунихъунисса аьлимтал, шайтал.

- Дурккуну махъ цалчин чув къуллугъ буллан ивкИ-ссияв?

– Жул шяраву, Хъурив, буссар сайки 500 шин хъусса мизит. Совет заманнай уххайсса-укхайсса акъа, мизит лекълай най бивкИссар. Шярваллил инсантал цимилгу гъуз куну бия мизит цИу буккан буван, амма вайнал нудру бакИуйн къабувккун бия. Шяравусса Тейбат тИсса хъамитайпалулгу нудру бия цИусса мизит бувансса, ванил, жяматгу лагма лаган бувну, цила куявнал, Абакар Мудуновлулгу ка бавкуну, шяраву 2010-ку шинал ччаннай бацIан бувсар мизит. Му шинал дуккаву къуртал дурсса на най унува тIайла увккунув ттула буттал шяраву зун, диндалул багъу-бизу бачин буван. Ва ттун ххишала дакъа ххарисса кьини дия, исламрал кИулшивуртту ларссыя нава буттал шяраву цИу буккан бувсса Аллагънал къатлувун агъаву.

Буттал шяраву диндалул багъу-бизу бачин бувну ттул 6 шин хъунна. Имамшиву давришал архIал на ивтунав «Ассалам» кказитрал Лакрал ва Ккуллал районнайсса вакилнугу.

- Гихунмайсса вил ххуллу чунсса хъуна?

– 2016-ку шинал Гъумучиял мизитраву имамну ивтунав, тиккума лавгун, имам аьркинну уну. ТIайлассар, Хъурттал шярваллия махъ цIанихсса ва хъуннасса Гъази-Гъумучиял шяраву имамшиву дуллан биъгану бакъая. ХIаллицIух тIий, жяматрашалгу, жагилтурашалгу кИул хъуну, зий айивхъура. Хъунмасса барчаллагъри Гъумучиял жяматран, хъунама, чИивима къаувкуну, чIарав бавцИусса. Дуллимунин ка-кумаг буллалисса жагилтталгу, хъунимигу бия. МуницИуна на ивтунав Муфтиятрал просвещеннялул отделданул Лакрал райондалийсса каялувчинугу. 2018-ку шинал на ивтунав Лакрал райондалул имамну. Мунинин на ца шярваллил ялувсса жаваб дуллай ивкИхъурча, утти багълай бия шалла райондалул, райондалийсса гъарцагу шярваллил жаваб дулун. Инсаннан, чIявумур чИумал, ччан бикIай лахъсса къуллугъ, амма диндалул ххуллу мукунсса бур, къуллугъ хъунмасса, Аллагънал хъхъичИсса жавабгу хъуннасса. Шайсса куцуй ттулла даву дуллай ивкИра, миски-гъаривнангу шайсса ка-кумаг буллай.

КИира шинавату, 2020-ку шинал, на ивтунав Лакрал жагилтурал ккурандалул хъунаману. Ва давришал архIал увхссара Да-



Спорт

СВО-лий гуртту хьуминнан хас дурсса турнир

Майрал 1-ний Республиккал Оьрчгал спортшколалий хьунни СВО-лий гуртту хьуминан ва жанну дуллунинан хас дурсса футболданул турнир.

Муний гуртту хьунни 16 команда: Верховный суд, Росгвардия, ФСО, В/Ч-3454, Каспийскаллал флотилия, УФСИН, Минобрнауки, Силистталул комитет, судирттал приставтал, ФСБ, «Динамо» ветерантал, МВД, таможня, прокуратура ва УФС.

Турнир титаврий махьру лавхьунни ДР-лул Хикуматрал председателна хьиривчу Ра-



мазан Жахпировлул, ДР-лул виваллил иширттал министр Аьвдурашид Махпаммадовлул, Каспийскаллал флотилиялул хьунаманал физподготовкалул иширтталсса байма кумагчи Сергей Чабаннул, СВО-лул гурттуучи, полициялул майор Жабраил Кьурбановлул.

Турнирданий ххув хьунни «Динамо» ветерантурал команда.

Командарттан буллунни кубок, медаллу ва грамотартту. Мукумма ккаккан бунни турнирданул хьхичлунни ттуркучитал, миннангу дуллунни хасьсса бахшишу.

**Хадур бувссар
Х. АЬДИЛОВЛУЛ**

Жул интервью

«Кьуллугъ лавайссаксса Аллагнал хьхичлсса жаваблувшивугу хьуннассар»

густтаннал Гуманитар институтрал магистратуралулунгу. Ца шинава на гьан увнав Гуржиянавун, тихсса жулва лакаршачал ва дагусттанлувтурашал хьунаакьин. Амма, сукку хьусса пандемия сававну, щаллу буван аьркинсса мурадру кьавхьунма ливчлуна. Шанма зурувун ттун дипломрал даву дуруччин Дагусттаннайн учлан багьуна, магистратура кьуртал буван. Лавкьусса ххуллурду ва цайми кланттурду хисаврайн лавсун, махьунай Гуржиянавун гьангу кьавхьуна. Муния махь Дагусттаннал Муфтиятрал просвешениялул отделданий зун увцунав, яла – Ккуллал райондалул имамну. Шикку зий ттул клилчинсса шинни.

• – **Ци учин хьуннассар райондалия, клилкьусса даврия?**

– Райондалий дур 14 шяравалу. «Ассалам» кказитрай зузисса члумалсса аьрххирдайнугу, волейболданул турнирдайнугу, цаймицайми иширттайнугу муниинингу клулсса жьамат бия, мунияту даврил дайди хь захматсса дия учин кьавхьуннассар.

Увкисса члумал, ца цала чивима уссу куна, хьунагуавкьуну, дакл тиртлуну кьамулгу увнав райондалул баклчи Шамил Рустамовичлул, цалва чулухасса цаппарасса маслихатругу буну, цува гьарцагу ишираву ттул чларав ушивугу клил лавгуна. Хлакьинусса кьинику укуна кьущу тий ур, гьарцагу ххуллу ххуттаву ка-кумаг булла, хьунма сарчалагь ванан. Ваниятугу бигьашиву хьуна клийх даву сукку дуван.

Шяраваллавун лавгун, жьаматрашачал клул хьуну, аьркинсса ци бурив ххал буну, хлалли хлаллилух тий дачин дуварду даву. Райондалий чун гьарчангу, шяраваллал баклчиталгу, школарттал директорталгу, жьаматгу бур дуллалимуниву чларав бацлан, ка-кумаг буван хладурсса. Вайнава клилку зий уну тий тлутисса махьру бакьар, даклнийхтуну тлутиссара. Барчалагь циняв-



ту, та аьрши мизитшиврия таклу кьалагайссар. Цуксса жува диндалух кьулагьас дулла бурув, муксса барацатшивугу дишайссар жьаматрайгу, миллатрайгу.

• – **Хлакьинну ци захматшивуртту хьунадакьлай дур даврия?**

– Давривусса хьунмур захматшиву дур лакару динчитал биялну бакьашивурун дархусса. Шяраваллаву лакарал миллатрайсса имамтал чанну бур. Амма бумигу, шукрур, халкьуннавух хлала бувхсса бур, вайнная агьали рязину бур. Жьамат диндалул чулухунмай кура баллай бур, мякь бувккун бур диндалул клушивурттах.

• – **Ина, диндалува акьа-**



ннанмагу.

• – **Ккуллал райондалий дурив уттигу мизит бакьасса шяравалу?**

– Райондалий мизит бувагу бакьасса ца шяравалу дур – Сухьяияшялсса. Уттигьанну райондалул гьарцагу шяравун бивру муфтинал хьиривчувнашачал ва лакарал динчитурашачал, шяраваллавусса мизитру ци хлалданий бурив, ци багьу-бизу бурив ххал буван. Бивру Сухьяияхьхунгу. Ккуллал райондалул ххуллул участкарал хьунаману зий ус-

сар ва шяравасса Аьвдулхалик тисса бусравсса чув. Ванал бувсунни мизит тлитинсса пикри бушиву, жьаматгу чларав бивзун. Аллагнал ка бавкьуну, шаллу хьунтиссар ва даву.

Мизит бакьасса ца шяравалу ялагу хьанай дур – Шушуллалсса. Аьшуйн щуну учинни, шикку бивкисса мизитрал кьатри дур клубрахь. Мизитрал чиртту бур, чичру дур, так клубрал матахл дирхьуну дур шиву. Ччива та цунища мизитрахьхун зана битан, цанчирча та кьатта, тай чарт-

ссагу, спортравугу хьхичлунсса ушиву клуллу жун... Буси вила оьрмулуву спортрал бугьла гьимур кланттуягу.

– Спорт ттун ххирар чивинияца. Ттун ххюра шин дусса члумал буттал жу клорхила бизан байвав, лечлачи байвав. Яла та члумал оьрчлахь, цана кунна, телефоннугу дакьаяхха. Туну, кьатлу-шах, шяравух биклайва бялахьлай, ттуплий буклай, турникрайн лахьлай, бяст-ччаллай, цуманал цусса ци дайрив, ххи-

шалану щил дайрив ккаклай. Хлакьинусса кьинику ттун турник ххирар хьинну, муний чларучлурасса затру дуван бюхьай. Гьумукунгу лагайссияв спортрал бяст-ччаллай гуртту хьун, лачлун уккавриву райондалий хьхичлунсса кланттурду бугьайссия. Школалия махь шагьрулийн дуклан лавгсса члумалгу лачлун уккаврихун агьну иклайссияв, университетрал чемпионатрайгу цалчинсса кланттурду бугьайссия. Мукуна лях-карах самболийнгу, каратэлийнгу занай иклайссияв, гьира биклайва спортрал цайми-цаймигу журарду ххал бувансса. Ца ппурттуву, кьашав хьуну, спорт кьаритан багьуна. Гания махьгу, хлалли-хлаллих тий, цунилу агьра спортрахун, клусса атлетикалухун, клусса махру, штангарду гьаз дулла. Ка дишаврихунгу агьра, ва журарду турнирдай хьхичлунгу ливчуссара. Дарбантлив пут гьаз дурну, клилчинсса кланту бугьуссия.

Махьсса ппурттуву агьну ура грепплинграхун. Уттигьанну Кьазаннай хьуссия бяст-ччал, Чачаннал ISB организациялул гьарца шинал дувайсса грепплинграл ва джиу-джитсулул турнир. Ва хьанай дия на гуртту хьусса ва даражалул цалчинсса соревнование. Личи-личисса даражалул диклайссар мухулутту, тикку на бувгьуссия джиу-джитсулуву шамилчинсса клану, грепплинграву цалчинсса клану. Ссуттихунмай Дубайрав хьунтиссар Дуниялул даражалийсса бяст-ччаллу, тти тихунгу хладур хьанай ура. Хьинну ххирар кукулссагу, клуссагу атлетика. Спорт ттул оьрмулул ца агьамсса бутлар, диндалия, кулпатра ливчуну махь.

• – **Жулва ихтилатрал ахирданий ци учинна жула «Илчи» кказитрал букултрахь?**

– Учивияв, тлайласса дин лахлахьяра куну, хаснува жагьилтурахь, жулла шархьал мизитирттаву лакарал имамтал бикланшиврул. Жулва махьа нанисса оьрчлур хлакьсса диндалул ххуллийх нанисса хьуннав, хьунаманал хурмат бусса, чивинал кьадру бусса, буттал буттахьал заманнай куннасса мярпипат дусса, жулла районну, жулва миллат хьхичлунмай, лавай бувансса. Лакарал миллатрай барацат бишиннав.

• – **Амин. Цуллу аннав.**

**Ихтилат бувссар
Бадрижамал АЬЛИЕВАЛ**

Хьуртгал шяравасса художниктал, уссурвал ХІасан ва ХІусайн Ссунгъуровхъал оьрму бяривчІун бур ванияр 50 шинал хьхьичІ, 1973-ку шинал, автомобиль катастрофалу. Га чІумал вайннан диркІссар 31-цара шин. Сайки шалва шагьру бивккун бивкІссар уссурвал махъвамахъсса ххуллийн тІайла буккан.

Ва бала-апатІ хьуну махъ цуксагу хІаллай батІлай буссия республикалул творчествалул интеллигенция вай художниктурал аьпа учиншиврул. Укунсса батІавурттавасса канний Дагъусттаннал халкъуннал шаэр Расул ХІамзатовлул кІицІ лавгссия республика язисса художниктурацІа хьушиву. Зувиллий цара шинал мутгалий уссурвал Дагъусттаннан хьинну чІявусса бивссар, республикалул магьирдугьраву ликъахайсса ххару къабивтссар.

Уссурвал Ссунгъуровхъал 55 шинал юбилейран хасну республикалул кказит-журналай дуркссия вайннал аьпа абад баврицІун дархІусса макъалартту. Амма утинин га чІумалва кІицІ лаглай бивкІсса ситгардава цавагу шаллу хьуну бакъар.

Уссурвал ХІасан ва ХІусайн ялапар хъанай бивкІсса къатрал чІирай аьпалул уларагу ларчІун дакъар.

Ттул пикрилий, къабучІссар аьпалул укун биччибакъа бурулан. Вай ххаллисса художниктурал царду зана дуван аьркини вайннал цалва язими произведениеартту хас бивсса шагьрулувун. ДакІнийн бутіяра: цІа дурксса ресторан «Лезгинка», кафе «Салам», шагьрулул бухмур автостанциялул къатри, ХІукуматрал къатрал чІира чІюлу буллалисса мозаикалул панно – вай цимурца вайннал творчествалул ахьулссар.

ХІасан ва ХІусайн Ссунгъуровхъал 1964-ку шинал къуртал бувну бур билаятрал художествалул ца яла сий думур, ца яла гужмур идара – Грековлул цІанийсса Ростовулул художествалул училище. Дуккавугу шаллу дурну, зана хьуну, республикалул художествалул оьрмулуву ца яла хьхьичІунсса гьурттушинна дуллан бивкІссар.

КІинничалтрал давуртту хасъсса пишакартурал итгалун дагъссар най дунура. Композициялул примиртгал кумаграйну вайннал цалла графикалул давурттува чІалачІи буллай бивкІссар зунтгал инсантурал багъу-бизу. Вайннал даврил къайда, стиль дурчІлачІи хьуссар.

Ссунгъуровхъая, Дагъусттаннал искусствалувусса цІусса лишан, цІусса ХІасушлин ХІисаврай, чичлан бивкІссар пресса, ласлан бивкІссар телевизион редакартту. ХІатта Совет художествалул энциклопедиялийгума чивчуссар вайннай. Чил хІукуматиртгал изданийртгайгу дуркссар вайннайсса яр-ярсса макъалартту.

1964-ку шинал Ростоврай хьусса «Советский юг» тІисса цІанилусса зональний выставкалий бивхьуссар уссурвал произведениеартту.

1966-ку шинал тІурча, уссурвал Ссунгъуровхъал суратру хьуссар Москвавил, Шалагу Союзрал жагьилсса художниктурал выставкалий, ца шинавуннив – «Советская Россия» выставкалий. Оьрмулул 22 шиннаву жагьилтал къамул бивссар СССР-нул Художниктурал союзравун.

Цавува бусса гуж, къуват, ччаву, гьунар вайннал хас буллай бивкІссар Дагъусттаннан. Вайннал машгьурсса графикалул давуртгал циклданун цІа диркІссар «Дагъусттаннахасса балай» тІисса.

ДакІнийн бичинну

Уссурвал Ссунгъуровхъал аьпалуцІун



Уссурвал Ссунгъуровхъал цалла давурттансса материал датІлай сайки шалла республикалийх бивкІссар. Бивссар республикалул художествалул культуралул циняв центрдайн: Гьумучиял, Оьргьрал, Бархъаллал, Аьндиннал,

УнцІуллал, ГьацІагулал, Табасараннал, Ахтгтиял.

Пушкиннул кІичІравусса вайннал дуссукъатта бачІвасса чІун тачІав къадиркІссар. Шиву хьунабакьин бюхълай бивкІссар цІанихсса художниктал Эдуард Путерброт, Анатолий Шарипов, Анатолий Ягудаев, Хайруллагь Кьурбанов, искусствоведтал Зум-



руд Жандарова, Мариан Чалабова, вайннал дустал МахІаммад-Загьид Аминов, Оьмари Оьмаров, Алекси Аьбдуллаев, уссурвал Увайсовхъул, Рамазан Хаппалаев, Айгун Айгуннов ва м.ц. Шиву мудангу шуруй бивкІссар творчествалул оьрму, саккин буллай бивкІссар хІакъсса искусствалул произведениеартту.

лул личІи-личІисса журардаву. Вайннал сайки циняв давурттаву агьамми геройталну бур зунтгал инсантал.

ХІасан ва ХІусайн бия дакІру хьинсса жагьилтал, цалла ватан ххирасса, ванил къануннай ва аьдтирттай оьрму бутлатисса. Цанная ца личІигу къашайва. Вай



Дагъусттаннал культуралул оьрмулувусса хьунмасса ишну хьуссар Расул ХІамзатовлул «Ттул Дагъусттан» тІисса луттирайнусса спектакль, цинсса сиенографиягу дурсса уссурвал Ссунгъуровхъал. Ва даврин Дагъусттаннал ХІукуматрал лавайсса къимат бивхьуссар, Республикалул ХІамзат ЦІадассал цІанийсса премия дулуну. Уссурвал Ссунгъуровхъул хьуссар ва премиялул яла жагьилми лауреатгал.

Цала творчествалул кутІасса оьрмулул мутгалий художниктал гьуртту хьуну бур искусства-

кІулу бивкІсса цинявннанмагу дакІнийссар цуксса тяхъасса жагьилтал бивкІссарив вай.

Ссунгъуровхъул бивкІссар ва буссар Дагъусттаннал пахруну.

Умуд бур шагьрулул цІанасса администрациялулгу, республикалул художествалул организиртгал каялувчитуралгу, творчествалул интеллигенциялулгу вайннал дустурал ситгалул (художниктурал аьпа абад баврил) чІарав бацІаву дуванссар тІисса.

Жанна МАХІАММАДОВА
Таржума
Бадрижамал АБЛИЕВАЛ

Туристътал бучИайсса кИантту марцI баврил ххуллийсса Республикалул субботникрал лагрулий Дагъусттаннал Культуралул министрствалул ва мунил идарарттал зузалт лавгунни Буйнакск шагърулийсса Кавалер-Батарея ххялдул лагма-ялттусса кИанттурду марцI бан.

Зулайхат ТАХАКЪАЕВА

ХъьичIра ва ххяллун цIа диркIун дур Тамерлан-ххяллу. Цувгу дур Буйнакск шагърулул зума-къирагърайсса ца яла агъаммур тIабиатрал гъайкалданун ккаллысса. Гъамин, шичча байбихълай бур Дагъусттаннал хъьичIавасса хъуншагърулул тарих.

Тасса-тарив шикку бивхъу-

Хъиннура ххуй дунни тIабиатрал ххуйшивуртту



ну бивкIун бур Тамерлан чапхунчинал чятир. Шичча тIайла бучкайсса бивкIун бур ганал дагъусттаннал зунттаун цала аьрал. Га ххит увну махъ, шикку сакин хъуну дур чIирисса шярвалу.

Темир-хан Шурагъун увкIсса ппурттуву, 1840 шинал, гъаз хъуну ур шийн Михаил Лермонтовгу.

Амма цил цIанин лархъхъусса дакъая махъсса шиннардий ва тIабиатрал гъайкалданул лагма-ялттусса чIалачIин, ичIаллил ва строительствалул ччюрклилу ливчIун бия.

Магъирлугърал зузалтрал цин лавхъхъусса тагъарданийн бувцунни ххяллун зума-къирагъру, мунийну захIмат бивхъунни буттал улкул тIабиат дуруччаврил ххуллий.



Аьзизсса ссил аьпалун

Ларгунни шанна шин ттул буттал къатлул нузру ларкъуну.

Ттул ссу Басират, лавгунна ина абадул миналийн, вила хъирив жугу хъовхъу тIий къабивтун. Так ца пикрилул дакI паракъат дуллай дур, ина ниттичIа, буттачIа, ссурваврачIа бухъунссара тIисса.

Жул цIаний ина бувсса захIмат вин алжаннул нузруну хъуннав, ссу! Ина бияв яхI-къириятлул инсан. Ина тачIав хъмакъабитантIиссара жун.

Жул ххирасса Басират, БакIрал ххуйсса хIурульэн, Бювхъусса бияв ина Гъарца ххулу-ххуттаву.

Жу вил даврил дюхъаврил МахIаттал-хIайран байвав. Зуматусса жуаврал КIукIлу лаган бувайвав.

Шагу вил ххаллилссия, Шу-цIанпиргу буссия, Лавмартсса азарданул Зевххунна ина жуца.

ТIитIиннав вин къанурду, Будуннав пирдав алжан, Дишиннав рухI бигъаний, Абад хъуннав вил аьпа!

Ссу Асват, ш. ШавкIул

Республикалул шагъурдал ва районнал идарарттал зузалт чялишну гуртту хъунни ххуллункъини хъусса субботникрттай. Ва кьини субботник дунни АхIмад-Хан Султаннул цIанийсса МахIачкъалалал аэропортрайгу. Аэропорт ва лагма-ялттусса кИанттурду марцI бучкан бивну, давурттив къуртал дурну махъ, цинявпа зузалт бавтIунни ссупралухун.

Имара САИДОВА

Субботникрайн бувкIсса зузалтрал дянив бивчунни хIажлийнсса путевкартту духансса кIунурду. Шикку гуртту хъунни Дагъусттаннал Муфтиятрал вакилтал. КIунурду бивчуну махъ аэропортрал шама зузалал дурххунни сенатор Сулайман Керимовлул чулухасса хIажлийнсса украсса путевкартту.

Субботникрайн бувкIун, хIажлийн гъан нясив хъуну бур



– КIицI лаган ччай ура Сулайман Керимовлул, аэропортран бакъассагу, шалагу Дагъусттаннал агъалинан хъунмасса кумаг буллай, чIарав ацIлай ушиву. Умуд бур, путевкарттугу дурххуну, хIажлийн лавгсса аэропортрал зузалтрал Сулайман Абусаидовичлуха ххишаласса дуаьртту данссар тIисса, – увкунни Саэд Рамазановлул.

ХIакъинусса кьини Сулайман Керимовлул кумаграину хIажлийн гъан хияллайсса цикссагу инсантурал мурадру бартавлунни. Дин-ислам дусса инсантурал дянив ва яла бусравмур ва барачатмур ихIсандалул даврин ккаллысар.

Интнил ва ЗахIматрал кьини МахIачкъалалив

Цалчинмур майрал кьини МахIачкъалалив Дагъусттаннал ЦпаччахIлугърал филармониялул Гъинтнил эстрадалул площадкалий хъунни «Звонкий месяц май» цIанилусса концерт.



Бадрижамал АБЛИЕВА

Ва кьини шаллу буллалысса чIявуми балайрду бия Расул ХIамзатовлул мукъурттийсса (шаэрнал юбилейрал шин душивугу хIисаврайн лавсун) ва совет заманнул кинофильмрдавасса.

СахIналийн бувккуна республикалий ва ванил къатIув цIарду машгъурсса балайчитал, вайннавух – Дагъусттаннал опералул ва балетрал ар-

тистъталгу, Дагъусттаннал паччахIлугърал филармониялул солистъталгу.

КъавтIавуртту дуруна «Волна» ва «Молодость Дагестана» къавтIаврил ансамбльрал. Концертрай мукума гуртту хъунни «Сюрприз» оьрчIал студиялул чIава артистътал, Росгвардиялул Ухсавнил Къавкъазуллал округрал оператив бригадалул аьрлий оркестр, халкъуннал музыкалул «Макъам» ансамбль.



Контрактраину аьралуннав къуллугъ буллалиминнан Аьрасатнал Федерациялул Обороналул министрствалул ккаккан дурну дур укунсса социал хIаллихшинну ва гарантиартту:

Къатрал дузал буллай бур Аьрасатнал Обороналул министрствалул чулуха ипотекалул системалийну;

Дузал буллай бур къуллугърал къатрал ягу буллай бур лаякъатрахсса багъа;

Уква, ххалгу бивну, хъингу буллай бур аьралуннал медициналул идарарттай (азарханаьрадай);

Уква шаллу буллай бур аьркинсса дарурттал;

Уква шаллу буллай бур янналул ва цаймигу аьркинлугърал; Укра шамийлла дуллай бур дукия;

Ряхва зуруй цал буллай бур кIира ножмардийсса арцул дузалсса отпуск;

Федерал бюджетрал арцул дуллай бур оьрмулул ва цIуллусагъшиврул страхование;

Ихтияр дур 20 шинавату бучкан пенсиялийн.

Хасъсса дяьвилул операциялул гурттуцитуран ккаккан дурну дур ялун ххи дурсса хIаллихшиннугу:

Дяьвилул иширттал ветераннал статус ва муниципунсса хIаллихшинну;

Кредитирттал ва налогирттал каникуллу;

Арс-душ вузирдаву ккалансса бюджетрал кИанттурду;

ОьрчI-бакI уква бигъалагаву гъинтнил лагерьдай;

Шаву диярча, цIунция хъурча ва оьрмулуцIа хъурча, страхованиялул выплатартту дуллай бур;

Реабилитациялул ва адаптациялул социал программа (даврил ва къатрал дузал баву);

Аьрасатнал Федерациялул субъектирдал ялун ххи дурсса хIаллихшинну ва гарантиартту.

ХIадур бувссар ХI.АБДИЛОВЛУЛ

ДакIнийхтунусса къурчIишиву кIидачIлай буру Илиясова Шуаьнатлукъ, шалвагу кулпатрахъ, агъулданухъ, Сиражуттин МахIаммадовичлухъ, цинявгу гъан-маччацириннахъ

ХАЙРУТТИННУЛ АРС ИЛИЯСОВ МАХАММАД

оьрмулул чагъираву дуняяллия лагаврийн бивну. МахIаммадлул бунагъирттал аьпа баннав, рухI бигъаний дишиннав, къюву духIансса ссавур Аллагъу Тааьланал Шуаьнатлукъхъунгу дулуннав!

Мариян Илиясовал цIанийсса «Дараччи» Фондрал цIанияту Гульшан Хасаева

Баян

РедакциялуцIун дархIусса тIалавшиннардайн бивну, «Илчилий» бишлашисса жижарарттал текстру буссар укунсса багърал лагрулий: укунмасса жижара – 200 къ., суратрашалсса некролог – 500 къ.

«ИЛЧИЛУЛ» редакция

